

KHENPI F

Nungzui khat banga Ana Sepna

1. Khazih Pumpi: Pawlpi	199
2. Pawlpi suanga kizopnate	205
3. Pawlpi sunga Thuneihna	211
4. Nuntakna leh Pawlpi sunga Kikhalna	215
5. Topa Nitak an	219
6. Innkuan Sunga Kizopnate	223
7. Leitunga kizopnate leh Laisiangtho leh nu-le-pa vai	231

1. Khazih Pumpi: Pawlpi

Laisiangtho bulphuhte 1Cor. 12:12-27 Col. 1:18 Eph. 5:23-32 Col. 2:19
 Rom. 12:4-8 Eph. 1:22-13 Heb. 10:24

b) Khazih Pumpi bang hiam?

Khazih pumpi pen Khasiangtho in Zeisu Khazih sungah a zopsa a piangthak thu-um mite pumpi hi a, (1Cor. 12:12-14), Pasion in a patsa Pasion Gam ading teci pang ding leh a phut dingte ahi hi. Zeisu in Ama tangin hih leitung ah Pasion Gam phuhna ah i kihel theih nading in ama min thuneihna leh Khasiangtho vangliatna thu-um mite tungah pia khin hi (Mk. 16:27-18; Acts 1:8). Zeisu nungzui khempeuh pen hih nasepna ah kigawmkhawm a, nungzui khatciat in ama sep ding nei tek hi. Hih nungzuite in Zeisu a lutang leh amaute tua pumpi na tampite ahihna hangin a sep khop ding kisam hi.

Zeisu nungzuite i hihna tawh i cihtakna pen a masa in Khazih Zeisu leh leitung bup-a Ama pawlpi tung leh, tua khit teh Amah in eite hong koihna khua pawlpi ciat ah hi ding hi. Leitung bup-a Pasion pawlpi sunga thu um mite khempeuh kimu khawm theilo ahihman in pawlneu tuamtuamte ah i kimuh tuah nading in Pasion in hong vaihawmsak a, tua pen khuapi sung biakinn hita leh innsung khat-a biakinn hi taleh hi thei hi (1Cor.1:2) (Rom. 16:5). Hih pen a kipia mite muhtheih pawlpi hi. Hih pawlpi sungah thu-um mite bek hi a, a vek un siampite ahi uh hi (1Pet. 2:98). Zeisu in Ama pawlpi hih leitungah a lam nading kipia a, tua pen Satan in zo saklo ding hi (Matt. 16:18) . Zeisu nungzuite i hih mah bangin hih pawlpi tungah ei le ei kipia ding hang a, tua pen Khazih sungah i nuntakna i gawmkhopna hi (Acts 2:42).

c) Lim Tuamtuamte

Pasion in Ama mite ading a lungsim sunga a neih kicing tak-a gen khiat nadingin lim khat bek omlo hi. Paul in Pawlpi tawh kisai Pasion pulakna ngaihsutna tuamtuamte lahkhiatna ding lim tampi zang hi.

1. Biakinn khat

Hih in ama Khasiangtho tawh Pasion in Ama tenna mun dinga mipite tawh a lamkhop ding a lungtupna hong pulak hi (Eph 2:19-21; 1Cor.3:16). Eite pen kha inn khat sungah hong kilamkhawm a nungta suangtumte hihang-a tua pen Zeisu Khazih tungtawn-a Pasion san theih khalam biakpiaknate a pia a siangtho siampi namte i suahtheih nading hi (1Pet. 2:4-5).

2. Innkuan khat

Hih in Ama innkuan sungah eite hong thun nading leh eite upa (elder brother) ahi Topa Zeisu tawh gamluah khawm dinga hong kizopsakna dinga Pasion ngimna leh hong deihsakna hi (Rom. 8:17; Heb. 20:10, 14-17). Pawlpi pen nuntakzia hi a, sepkiatna gamtatna hilo hi. Pawlpi pen na kipawl nop mahmah ding biakna vai kipawlkhopna hilo in, nang zong hong kibehlapna Pasion innkuan hizaw hi (Acts 2:47).

3. Mo khat

Hih in Khazih leh Ama pawlpite in pumkhat suahna-ah mimal kizopna leh kipumpiak tuahna thu a sinkhop theih na hong theitel sak hi (Eph. 5:22-32; Jn. 17:11, 22).

4. Pumpi Khat

Hih in Khazih lungguhna ahi Ama pumpi, pawlpi pen leitungah a om lai-a a nasepna bangzia in nuntakna leh cina damsakna nasepte a sem ding-a a zatnopna hong theitel sak hi (1Cor. 12:1-31).

"Tu in note Khazih pumpi na hi uh a, a pumpi nate na hi kim uh hi" (1Cor. 12:27)

Hih pen a thupi mahmah sapna hi a, Zeisu in na a sepna vangliatna leh thuneihna sung mah ah mite pumpi a gamtang dinga sawlna ahi hi. Tua bang thuneihna leh vangliatnate mite a kipiak theihma in, lutang hihna khalam thubulpite theihpihna a om ding kisam a, tua pen pumpi lutang ahi Khazih tungah kipiakna ahi hi.

A kipatcil in Pasion in England Pawlpi, Methodist, Tuiphum cih bang pawlpite vaihawm lo hi cih phawk in. Tuatate pen pawlpi tangthu tungtawn-a mite kikhennate pan in hong piangkha ahi hi. Zeisu in pawlpi khat, pumpi khat bek mu in phut khia a, tua ah a thu-um mi khempeuh kihel kim hi (Eph 4:4; Matt. 16:18).

d) Pawlpi Meelpuakte

1. Zeisu lutang ahihna

Zeisu in pawlpi phut khin hi. Amah in tua pawlpi lam-a, cing in makaih hi (Col. 1:10; 2:14; Eph. 1:22-23; 4:15-16). Khazih pumpi i hihna tawh eite in Ama nuntakna zangkhwam in Ama ukna nuai ah tum hihang. Ci le sa pumpi nate in a sepkhiat ding zia pen lutang i sep ding a sawl bangbanga gamtat ding ahi hi Hih pen ah pumpi nate khatciat in phatakpi-a sepkhiatna kisam a, lutang pan-a hong pai theihsakna peuhmah sep ding ahi hi. Khazih pumpi zong tua bang mah in gamtang hi.

2. Kha kipumkhatna (1Cor. 12:12-13) (Eph 4:2,3 32).

Thu-um mi khempeuh pen pumpi khat nate hi a, amaute lak-ah a kimu theilo kipumkhatna om hi. Banghang hiam cihleh tuate khempeuh in Topa Zeisu a kibangin zangkhwam uh hi. Zeisu in thu-um mi khempeuh lak ah kipumkhat kim nading thungen hi (John 17:20-23). Ei pumpi nate khatciat in a sepzia kibang neilo hihang. Khazih sungah zong, pumpi khatpan pumpi nate hihang-a, pumpi nate khatciat in sepzia tuam tek a neih bangmah in a dang pumpi nate tawh kisai tek hi. Ei guakin tuam om theilo hihang. Tua pan na khut lakhia in, pumpi tawh kisai khalo-a gamtang dinga lam-etna tawh kibang ding hi. Pawlpi sungah minam tuamtuam khempeuh kihel a, tuate pen lawmte ding nangawn-a na teelkhak ngeiloh mite ahi hi.

Ahizong in Pasion in tua mite leh nang hong teel-a, Ama pilna tawh hong puahna hi thei kha ding hi (Pro. 27:17). Hih in itna kisam hi. Pasion itna pen pawl pi a mat khawm cenent ahi hi. Gupkhiatna ngah-a Khasiangtho nang kiangah hong pai teh tua itna Amah in hong tungsak hi (Rom. 5:5).

3. Letsongte leh Sepkhiatna tuamtuamte

Hih pumpi pen khenkhat bek hilo, khen tampi tawh kibawl ahi hi(1Cor. 12:14). Letsong te, sep leh bawlte a tuamtuam a om hangin mi khempeuh tungah nasep tampi a sem Pasion khatbek om hi (1Cor. 12:4-11). Ci le sa pumpi nate zong a nasepziat uh a kilamdan mah bangin Khazih pumpi zong tua bang mah ahi hi. Eite khatciat in bang lian hiam i sep ding cih i theih nailoh hangin a kician ei sep ding tek nei hihang. Khazih pumpi-ah a kisamlo cih omlo hi. Eite pen ngimna

tuam khat tawh hong kikaikhawm in tua pumpi-ah hong kikoih khin hi. Na omna pen na letsongte leh na mimal hihna tawh a kituah ding ahi hi.

4. **Pasian Ukna** (1Cor. 12:11)

Pumpi nate a gual leh a lemtuah pen Pasian ahi hi (1Cor. 12:18,27-28). Khatveivei Ama deihna pen Ama thuneihna palaai tungtawn in theisak thei hi (Heb13:17). Khazih pumpi nate in amau muntek a saan dinguh kisam hi. Mi tampite in Pasian saplohpi mun-ah kisin uh hi (1Cor. 12:14-17). Pasian sungah ei tatna ding banghiam cih thei khia in, tua pen sang in, belh pah khangsak pah in i tangtunsak pah ding ahi hi. Zeisu nungzui khat in amah a kisaplohna mun khat ah a gamtat leh cikmah in tangtung lo in, Khazih pumpi ah nasepna khat thanem ding hi. Pumpi nate khempeuh in amau a kisapna bang tek-a a gamtat uh ciangin Khazih pumpi sepnate hong hoih bel ding hi. Pasian in tua pumpi sungah nang hong koih khit leh, tua sungah nasepdingna khat Aman' nei hi.

5. **Maantak-a Kizoptuahna**

Khazih pumpi nate in a lutang Zeisu Khazih leh a dang pumpi nate tawh maantak-a a kizop dinguh kisam hi. Tua a hihman in khat tek kisam tuah hanga (1Cor. 12:2). Zeisu in eite hong san bangin i kisan tek ding hi a, (Rom15:17), mawhna maisak ding sin in (Amahin eite mawhna hong maisak bangmah bangin) Khat le khat i kithuak tek ding ahi hi (Eph 4:2; Col. 3:12-14). Christian khat hihna tawh na khanna leh na kilam tohna pen adang thu-um mite tawh na kizopna tungah kinga pha mahmah hi. Hih pen makaite leh mite in nang tawh hong pawlbawl na bek tawh hong piang lo dinga amaute tawh nang ma kithuahna tawh zong hong piang ding hi.

Lung kiatna pen christiante hong zawhna dinga a muibun penpen Satan galvan hi thei kha ding hi. Pasian in hi thuman thei ahihman in Ama mite a kimuhtuah dinguh hong lamena, khat lehkhath kithapiak tuahna tawh tua bang dinmunte kantan ding hong deih hi (1Cor. 14:26; Col. 3:16; Heb. 10:24-26). Khazih pumpi leh eite hong puakhawm na khempeuh i lamtoh ding leh tha i piak ding kisam hi (1Thess. 5:11). Thapia (encourage) cih kammal pen Greek kam in 'oikodomeite' hi a, tua pen 'inn' a cihna ahi 'oikia' leh 'lam' a cihna ahi 'dimo' cih kammal nih kigawm ahi hi. Eite pan Zeisu nungzuite bangin Pasian in a sepsa nasep ah a kihel dinga hong kisam ihi hi. Tua pen Ama pawlpi lam ding ahi hi (Rom. 14:9; Rom. 15:2). Zeisu in eite pen 'ci' tawh kibang in hong genteh hi (Matt.5:13). Ci ii nasep khat pen an limsakna hi a, tua an pen limsa pah hihang. Leitunga 'Ci' bangin midangte tungah a hoihpen nate i tunsak nading a eite hong kisam hi a, tua tungtawn in amaute leh ei mahmah kilamto hihang.

6. **Ki-apna**

Pasian in pumpi tungtawn-a hong theihsak a tuam vilvel ngimna hangin, tua adinga a lamdang a geelna, leh tua pumpi sunga kizoptuahna thuthuk hangin thu-ummaan taktak khat in tua pumpi, pawlpi pualam-ah tangtutna leh kicinna muthei lo hi. A kimu thei pawlpi ahi khua pawlpi tawh kitheih tuahna neilo pi-in, limtak in Khazih pumpi tawh kizopna pan a kikhenkhia suak hiteh. Pumpi nate khat ciat in a hih ding banga hong gamtat ciat bek uh ciangin tua pumpi khangto thei bek hi. Hih pen ki-apna kisam hi. Tua ciangin tua pumpi pen leitungah Zeisu kipulaak na maan hong hi dinghi (Eph 4:16).

‘Tua pumpi sungah bang ka koih thei tam?’ cih dotna i dot ding kisam a, ‘Tua pan bang ka ngahkhia thei tam?’ Cih dot tawntung ding hi lo hi. Kiphah tak in ei le ei i kipiak ding kisam hi (2Cor. 8:5). Hih ki-ap kipiakna ah tam a koih belte in tam ngah pen uh hi.

7. Nasepna (service)

Zeisu Khazih tunga na lungsim puak pen Ama pumpi pawlpi tunga na lungsim puak pan in kimu thei hi (1Jn. 4:20). Eite pen Pasion in Ama nasem dinga hong bawl ahihman in Pasion ading nasem-a nuntakna pen a tangtung bel khat hi. Tuni in Pasion nasep nading utna lungsim a khaktan leh a khawlsak thei lungsim puak tampi om hi. Tampi vei mah zong a thupi lozaw a kimu dinmun cih ei leh midang khat tunga kipia dinmunte san noplohna om thei hi. Mite in hih pen amau vangniamna in ngaihsun uh hi. Tua ban-ah kicinna omlo leh tua bang dinga sapna ngah lopipi-in, a uk ding leh a makai ding lunggulhna zong om thei hi. A haksa kikhahna mawhpauakna san ding utna leh, Zeisu in kitel tak-a a pulak kiniam khat tak a nasepna ding lungsim puakte pen makai hihna a kici nuntakna khat ii laigil ahieh ding kisam hi. Hihte khempeuh ban-ah, nasep neuneute saan nop lohna, zong om thei hi. Banghang hiam cihleh, hamphatna aih keh nopsakna tawh akilangh nate bek-ah nasepna kimu hi. Nasepnate leh Pasion ading sepna khatpeuh teh kak in, en tuah lo ding hihang. Pasion in tuacih ngeilo hi. Nasem khat tungah a dang khat koih ngeilo hi. Ama ading in a vekpi un thupi uh hi. Nasepna pen a masa in koih hi. Ama zon pen Ama deih banga citak taktaka na a sem ding kimanna a nei leibel hi lel hi.

A thanem zaw tawh a kibang pumpi sunga mite kisam uh hi (1Cor. 12:22). Pawlkhatte bang tua pumpi sungaha kihel theihna uh tawmbek a om tawh kibang a, ahizong in tua nasep hoihtak-a a kisep nading in kisam uh hi. A taktak in Pasion in tua bang mite a pahtawi zawk hun tamveipi om hi (1Cor. 12:24). Khazih pumpi nate Khat le khat kizahtak in kidon in kipahtawi ding hi. Khazih pumpi sungah kikhenna, kidei danna omlo in, a vek un Khat le khat tungah a kibang in kidon kikem dinguh hi (1Cor. 12:25-27).

Pumpi sungah na omna mun theih nading na ngak mah bangin, a kisam bang bang na hih theih zah in sem in (Eccl. 9:10). I nasep nading a i lungsim puak zong i kidop ding kisam hi (1Cor. 13:1-3). Nakhat peuh pen ei hamphatna dingleh ei lungkim nading bek in semlo ding hihang. Tua sangsik in na khempeuh Pasion minthan nading leh, Ama Gam zai nading in sep ding ahi hi.

I lawm i gual Zeisu nungzui Khazih pumpi nate ahi mi dangte tungah nasep ding zong lunggulh ding hihang. Zeisu in Khat le khat na kisepsakna pen Ama Gam sunga zaliat nading hi ci-in hilh hi. Zeisu mahmah zong nasem khat nei dinga hong pai hilo in, mi nasem dinga hong pai hi. Eite zong tua bang mah i hih ding kisam hi (Matt. 20:25-28; Matt. 25:40).

e) Khazih Pumpi sungah Koici bangin Nangma Lampan Gamtang ding

1. Khasiangtho tawh kidim in (1Cor. 12:13)
2. Midang khatpeuh a haza lo in, nangma lam pan gamtang ding. Khazih Zeisu neihsa kem hoieh bangin na letsongte leh na hih theih nate zangin tua pumpi ading nasem ding (1Cor. 12:15-16; 1Pet. 4:10).

3. Midangte munpia in (1Cor. 12:17) nang leh nangin na khempeuh sep kim ding hanciam lo ding. Mi dangte in nang sang a hoihazaw in na pawlkhat sem thei kha dinguh hi.
4. Tua pumpi sungah nang mun thei in (1Cor. 12:18-20). Banghang hiam cihleh hih in bitna leh lungmuanna hong tun ding hi (Rom. 12:3).
5. Midangte ading na kispna kipulak in (1Cor. 12:21). Pawlpi pen na nuntakna huhna tatzia hi. Tua hi a, pawlpi sung-ah midangte tungtawn in Pasion nuntakna na nei ding lau kei-in. Na sep theih loh ding, na ngaihsut theih loh ding leh na puahphat theih loh ding pi-in, tangtat lua kei in.
6. Thu-um midangte thupisak inla (1Cor. 12:33-24) thapia hi.
7. Tua pumpi kem inla (1Cor. 12:26) migitna zangin (Rom. 12:13; 1Peter 4:7), pawlpi sunga sanggam numei pasalte huh nading leh sep khop nading lampite zong in (Heb. 10:24; Gal. 6:10).
8. Na tupna it inla, kha letsongte lunggulh mahmah in (1Cor. 13:1-3; 1Cor. 14:1).

f) Dotnate leh kikap khopnate

1. Nang na kihelna Khazih pumpi in Zeisu patsa tecipanna nasep leh Pasion Gam puhna nasep a tangtung sak hiam?
2. Na khua pawlpi-in a lutang in Zeisu a nei hiam?
3. Na kikhopna Khazih pumpi khua pawlpi sungah nasem dinga hong kisp lam na thei hiam? Nang adinga Pasion sepna leh banghiam cih na theih keileh, Pasion in hong lah nadingin thungen in. Bangmah sem nuamlo leh na khatpeuh sem dingin na kisp lai-na muh leh, a maan khua pawlpi tawh kizom khalo hi kha ding hi teh. Mimal khatciat pen ama omna khua pawlpi ciat ah Pasion ading gah a gah ding ahi hi. Hih vai-ah Pasion in lam hong lah nading thungen inla, na makaite kiang zong pai-in amau ngaihsut piakna ding in.
4. Khazih pumpina khat na hihna tawh tua pumpi ah kisp in na kingaihsun hiam? Tua ah na kipum-ap hiam?
5. Khazih pumpi-ah nang guak in na gamtang thei hiam? Kam kum in.
6. Pasion in a vangliatna leh thuneihna tawh Khazih pumpi mimal a hong koih ma in Khazih pen lutang hihsakna khallam thubulpite theihpihna leh pumpi lutang Khazih tunga ki-apna kisp hi. Kamkum in.
7. "Khazih pumpi khua pawlpi sung-ah bang koih thei ding ka hiam?" cih dotna nang leh nang na kidong hiam? Aih keileh, "Hih khua pawlpi pen bang lakkhia thei ding ka hiam?" ci-in na kidong hiam? Aih keileh "Hih khua pawlpi in kei ading bang hong sepsak thei ding hiam?" ci-in na kidong hiam?
8. Na khua pawlpi mimalte lak-ah kipumkhatna a om hiam? A om keileh bang hang om lo hiam? kipumkhatna a om nading tha' na piak theihna khatpeuh a om hiam? Pawlpi kipumkhatna thu-ah Zeisu lungsim puak bang hiam? (Jn. 17:20-23).

g) Tomlakna leh zatpahna

1. Zeisu in khua pawlpi a hi Khazih pumpi tawh kizopna-ah mite khangtosak thei ding leh nungzuite a suaksak ding in Ama pawlpi mite hong sang khin zo hi.
2. Pawlpi mi khatciat in amaute Pasion in a piaksa nasepte a tangtut nading leh amau gihna a kaihna dingin mimal leh hoihna ah pawlpi khangto bek ding hi. Tua khit ciangin hih leitungah Zeisu kipulakna taktak ahi Khazih pumpi hong suak ding hi.

3. Zeisu pen pawlpi lutang hi a, ama pawlpi pen kipumkhatna leh ama ukna nuai-ah a ki-ap dingin Zeisu ngimna ahi hi.
4. Khazih pumpi-mite pen a kizomtuah dimdiam hi a, leitung bup pawlpi pen hoihtak a a kivaihawm theih nading in tuate pen kisam uh hi.
5. Zeisu nungzui khat a tangtun nadingin, Khazih pumpi sungah ama mun ding a muh ciang bek in tua tangtunna piang ding hi cih a phawk theih ding kisam a, tua mun ah Pasion in bang sep ding in sawl hiam cih a muhna tungtawn in amah leh amah ki-ap ding hi.
6. Na khua pawlpi tungah a lungsim puak in a lutang Zeisu Khazih tunga na lungsim puak langkhia sak ding hi.
7. Pasion in mai tang deidanna nei lo hi. Nasepna khat pen a dang khat sang thupisak zaw cih omlo hi. Ama nungzuite i hih mah bangin, Ama deihna i manna tawh bangbang man pia taleng na i sep ding hong lamen hi.